

OMONI AKITISI LIBOSO YA KOMBO NA YO.

Kombo ya Nkolo mpe Mobikoli monene, YESU KRISTO, ezwa lokumu! Boyei malamumu mpo tondima kozwa elaka na lokumu ya Liloba ya Nzambe.

Liloba ya Nzambe elobi boye :

Nzembo 138:2 *“Nakokokama liboso ya Tempelo na yo ya bule, nakopesa lokumu na kombo na yo, mpo na bolingo mpe sembo na yo ; pamba te OMONI AKITISI ELAKA NA YO LIBOSO YA KOMBO NA YO MOBIMBAMBIMBA.”* (Mokanda na Bomoi)

Nkolo azali na elaka moko monene oyo apesaki biso — elaka ya bomoi ya seko kati na YESU KRISTO.

1 Yoane 2:25 *“Elaka oyo apesaki biso ezali oyo : bomoi ya seko.”* (Mokanda na Bomoi)

Oyo nde elaka ya monene koleka nyonso : Nzambe apesaki biso elaka ya bomoi ya seko soki tozali kati na Mwana na Ye, YESU KRISTO. (Bomoi ya seko elingi koloba kozala na bomoi libela, kati

na Lola ya sika mpe mokili ya sika.)

2 Petro 3:13 *“Kasi, ndenge elaka na Ye elobi, tozali koluka Lola ya sika mpe mokili ya sika, epai bozangi mbeba ezali.”* (Mokanda na Bomoi)

Ezali bongo te ete Nzambe azangi elaka mosusu ah ! Azali na ebele ! Nkolo akoki kopesa moto elaka moko ya ye moko (ya molimo to ya mosuni). Akoki kopesa moto elaka ya bokóto lokola Abrama, elaka ya mosala, elaka ya libula, to elaka ya lolenge nyonso. Akoki kopesa elaka epai ya ekólo mobimba, to epai ya Lingomba na Ye. Elaka nyonso ya Nzambe ezali ya solo mpe ya sembo ndenge ekomami na :

2 Bakorinti 1:20 *“Pamba te elaka nyonso ya Nzambe ezali ‘εε’ na Klisto ; mpe na Ye, ezali ‘Amina’, mpo Nzambe apesa lokumu na Ye na biso.”* (Mokanda na Bomoi)

Kasi ezali elaka moko oyo OMONI AKITISI LIBOSO YA NYONSO, mpe koleka kombo na Ye moko : elaka ya BOMOI YA SEKO.

Nzemo 138:2b *“Pamba te omoni akitisi elaka na yo liboso ya kombo na yo mobimbambimba.”* (Mokanda na Bomoi)

Elaka yango ya bomoi ya seko nde akitisaki koleka kombo na Ye. Mpo tozali kokoka kotambola na kombo na Ye, kasi tozanga bomoi ya seko. Tokoki kosalela kombo na Ye mpo na kosakola, kobengana milimo mabe, mpe kosala bikamwa, kasi soki tozangi bomoi ya seko, tokokani na bato oyo bakatami libanda. Tálá ndenge Yesu alobaki :

Matai 7:21-23 —

“Ezali te moto nyonso alobaka na ngai, ‘Nkolo, Nkolo,’ nde akokota na Bokonzi ya Lola, kasi nde oyo asalaka mokano ya Tata na ngai oyo azali na Lola.

Bato ebele bakoloba na ngai mokolo wana : ‘Nkolo, Nkolo, tosalaki te mosakoli na kombo na Yo ? Mpe na kombo na Yo tolongolaki milimo mabe ? Mpe na kombo na Yo tosalaki bikamwa ebele ?’

Nakoloba polele na bango : ‘Namonaki bino te, longolá bino epai na ngai, bino bosalaka mabe.’” (*Mokanda na Bomoi*)

Mpo ya yango, ezali te kombo nde eloko ya makasi koleka, kasi bomoi ya seko. Tokomi na motuna : tozali na bomoi ya seko, to totambolaka kaka na kombo na Ye, mpo sima tokata na Nzambe ?

Nzela moko kaka ezali mpo na kozwa elaka ya Nzambe (bomoi ya seko/Bokonzi ya Nzambe) : kondima Nkolo YESU KRISTO mpe kosambwisa masumu ya motema, kokata mpo na kosala lisusu te. Sima wana, Molimo Mosantu akokota kati na yo mpe akotia elembo ya seko kati na yo.

Baebrei 4:1 “Bongo, lokola elaka ya kokota na bopemi na Ye ezali naino, tóbanga mpo moto moko a kati na bino akomonana lokola akangami libanda.” (*Mokanda na Bomoi*)

MARANATHA.

☐☐ Kota na lisanga na biso ya WhatsApp mpo ozwa makambo mosusu ya bomoi ya seko:

<https://whatsapp.com/channel/0029Vb6labc8V0tfRqKKY11y>

Share on:
WhatsApp